

Rapport dalla sessiun dil cussegl da vischunaunca dils 15-11-2021

Tractanda 1

Approbaziun dil protocol dalla sessiun dils 04-10-2021

Il protocol dalla sessiun dils 04-10-2021 vegn approbaus cun engraziament.

Tractanda 2

Elecziuns dil biro dil cussegl

Per igl onn d'uffeci 2022 vegnan las suandontas persunas elegidas:

- a) President dil cussegl:
Mario Lechmann
- b) Vicepresidenta dil cussegl:
Flurina Bundi
- c) 2 dumbravuschs
Rita Wolf
Claudio Thalmann
- d) 2 suppleants da dumbravuschs:
Clemens Bundi
Wendelin Decurtins
- e) Actuara:
Sandra Gautschi

Tractanda 3

Damonda da credit per la fiesta 600 onns Ligia Grischa

La fundaziun dalla Ligia Grischa igl onn 1424 a Trun sut igl Ischi ei stau in eveniment historic da gronda impurtonza pigl entir cantun Grischun. Per la suprastanza communalia eis aschia buca mo impurtont, mobein era ina honur da commemorar quei eveniment cun festivitads commensuradas. Per quei intent ha la suprastanza communalia installau ina grupperia da laver che s'occupescha cun las preparativas per las festivitads 600 onns Ligia Grischa.

La grupperia da laver ha elaborau in program da basa, definau il tetel per las festivitads «Sut igl Ischi 2024» e schau elaborar in logo per talas. Plinavon ei vegniu mess si in concept ed in preventiv pil giubileum, che duei vegnir festivaus duront igl entir onn 2024. Previeu ein treis occurrentzas pli grondas, creadas a posta pil giubileum sco puncts culminants digl onn da fiesta.

Per luvrar ora ulteriurs detagls e saver menar atras las festivitads drova la suprastanza communalia in credit brut da frs. 873'000.- (+/- 10%). Ei vegn quintau cun entradas da frs. 373'000.-, aschia ch'ei resta alla vischunaunca cuosts nets da maximalmein frs. 500'000.-. Aschuntau surschein nus a vus il concept cul preventiv per la fiesta centenara.

Il representant dalla grupperia da laver preparatoria, Magnus Manetsch, presenta il concept per las festivitads 600 onns Ligia Grischa.

Cun 13 : 0 vuschs decida il cussiegli da vischunaunca da dar il consentiment per la realisaziun dallas festivitads entras conceder in credit brut da frs. 873'000.- (+/- 10%) per la fiesta 600 onns Ligia Grischa. Plinavon autorisescha il cussiegli da vischunaunca la grupperia da laver da far en concordanza cun la suprastanza communalia adattaziuns

vid il concept e preventiv, aschiditg che quellas meinan buca ad in surpassament dil credit brut concediu.

La damonda da credit vegn suttamessa alla radunanza communalala digl 1. da december 2021 (art. 33d constituzion communalala).

Tractanda 4

Preventiv 2022

President communal Dumeni Tomaschett declara ch'il preventiv dil quen da gudogn e sperdita 2022 siari cun in surpli d'expensas da frs. 148'210.-. Il cashflow mutta à frs. 393'790.-. Las investiziuns nettas muntan à 1'801'700 milliuns francs.

La canzlista communalala presenta il preventiv dil quen da gudogn e sperdita en detagl.

Las impurtontas posiziuns el preventiv d'investiziuns secumponan ord:

1400.5290.00	Introducziun register funsil federal	frs.	50'000.00
1500.5060.00	Vehichel pil corp da pumpiers	frs.	50'000.00
3290.5290.00	Fiesta 600 onns Ligia Grischa	frs.	50'000.00
6150.5010.03	Via Sogn Martin	frs.	890'000.00
7201.5032.00	Sanaziun canalisaziun communalala	frs.	237'000.00
8205.5010.00	Via Munt	frs.	1'780'000.00
8205.5010.04	Via Nadels – Via Rost	frs.	500'000.00

Il cussegl decida cun 13 : 0 vuschs da proponer per mauns dalla radunanza da vischunaunca d'approbar:

- il preventiv dil quen da gudogn e sperdita che siara cun expensas da frs. 7'647'050.- ed entradas da frs. 7'498'840.-, pia cun in deficit da frs. 148'210.-.
- il preventiv dil quen d'investiziuns che siara tier expensas da frs. 3'613'000.- ed entradas da frs. 1'811'300.- cun in surpli d'expensas da frs. 1'801'700.-.

Tractanda 5

Fixaziun dil pei da taglia per igl onn 2022

La suprastanza communalala e la cumissiun da gestiun han examinau ils fatgs ed ein digl avis da restar per igl onn 2022 sin in pei da taglia da 105%.

Il cussegl propona cun 13 : 0 vuschs per mauns dalla radunanza da vischunaunca da fixar la taglia communalala per igl onn 2022 sin 105% dalla taglia cantunala sempla.

Tractanda 6

Pusseivladad da tschenttar damondas

Dalla pusseivladad da tschenttar damondas vegn fatg diever.

Per il cussegl da vischunaunca

Il president
Baseli Tomaschett

La actuara
Sandra Gautschi